

古今文綜

野居書肆

古今文綜 第五部 詔令表奏之屬

第三十三冊

目錄

第二編 表奏類

第二章 表奏下

(乙)典制之屬

(一)慶賀

晉劉琨勸進表

梁江淹爲建平王慶明帝疾和表

陳徐陵勸進元帝表

陳沈炯代勸進梁元帝第二表

陳沈炯代勸進梁元帝第三表

北周庾信賀平鄴都表

北周庾信賀新樂表

北周庾信賀傳位於皇太子表

隋盧思道代爲百官賀甘露表

唐蘇頲賀封禪表

清袁枚爲尹太保賀伊里盪平表

清袁枚爲莊撫軍賀平伊里表

(二) 陳謝表

晉羊祜讓開府表

晉李密陳情表

晉陸機謝平原內史表

晉張峻爲吳令謝詢求爲諸孫置守冢人表

宋傅亮爲宋公求加贈劉前軍表

宋鮑照拜侍郎上疏

宋鮑照侍郎報滿辭閣疏

梁江淹建平王讓右將軍荊州刺史表

梁江淹蕭驃騎讓封第二表

梁江淹蕭驃騎讓封第三表

梁江淹蕭驃騎讓太尉增封第二表

梁江淹蕭驃騎讓太尉增封第三表

梁江淹爲蕭公重讓揚州表

梁江淹爲蕭公後讓太傅揚州表

梁江淹爲蕭公拜太尉揚州牧表

梁江淹爲蕭太傅謝追贈父祖表

梁江淹爲蕭公謝開府辟召表

梁江淹蕭相國讓進爵爲王第二表

梁江淹齊王讓禪表

梁任昉爲卞彬謝修卞忠貞墓啟

梁任昉爲范始興作求立太宰碑表

梁任昉爲齊明帝讓宣城郡公第一表

梁任昉爲范尚書讓吏部封侯第一表

梁陶弘景解官表

梁袁昂謝武帝啟

梁王僧孺爲韋雍州致仕表

北周庾信謝明帝賜絲布等啟

北周庾信爲閭大將軍乞致仕表

隋江總爲陳六宮謝表

唐陳子昂爲人陳情表

唐韓愈潮州刺史謝上表

唐李商隱爲濮陽公陳情表

宋蘇軾謝量移汝州表

宋蘇軾到昌化軍謝表

(二)上進

漢應劭上漢儀疏

梁簡文帝上昭明太子集別傳等表

梁沈約上宋書表

北魏江式文字源流表

北周庾信齊王進赤雀表

北周庾信齊王進白兔表

北周庾信齊王進蒼烏表

北周庾信爲晉陽公進玉律秤尺斗升表

唐李善上文選注表

唐玄奘進西域記表

宋蘇軾乞校正陸贄奏議上進劄子

清蔣廷錫古今圖書集成告竣恭進表

清胡天游擬一統志表

清紀昀四庫全書告成恭進表

清董誥全唐文告成恭進表

(丙) 雜事之屬

漢鄒陽獄中上書自明

漢南粵王趙佗上文帝書

漢陽球奏罷鴻都文學

魏曹植求自試表

魏曹植求通親親表

魏鍾繇上漢獻帝自劾書

宋傅亮爲宋公至洛陽謁五陵表

宋江勳讓婚表

古今文綜

第五部 詔令表奏之屬

第三十三冊

杭縣張 相讓錄

杭縣姚漢章閱訂

第二編 表奏類

第二章 表奏下

(乙)典制之屬 應絃赴節情生乎文大抵以六朝人爲長約分三目

(一)慶賀 鏗鏘金石後舞前歌毋曰諛辭取其悅耳選言樹骨雅重精思
世稱封禪麗而不典劇秦典而不實古人於此亦云難也錄十二首

晉劉琨勸進表

建興五年三月癸未朔十八日辛丑使持節散騎常侍都督河北并冀幽三州諸
軍事領護軍匈奴中郎將司空并州刺史廣武侯臣琨使持節侍中都督冀州諸

軍事撫軍大將軍冀州刺史左賢王渤海公臣碑。頓首死罪上書。臣琨臣碑頓首。頓首死罪。臣聞天生蒸民。樹之以君。所以對越天地。司牧黎元。聖帝明王。鑒其若此。知天地不可以乏饗。故屈其身以奉之。知黎元不可以無主。故不得已而臨之。社稷時難。則戚藩定其傾。郊廟或替。則宗哲纂其祀。所以弘振遐風。式固萬世。三五以降。靡不由之。臣琨臣碑頓首。頓首死罪。死罪。伏惟高祖宣皇帝肇基景命。世祖武皇帝遂造區夏。三葉重光。四聖繼軌。惠澤侔於有虞。卜年過於周氏。自元康以來。艱禍繁興。永嘉之際。氛厲彌昏。宸極失御。登遐醜裔。國家之危。有若綴旒。賴先后之德。宗廟之靈。皇帝嗣建。舊物克甄。誕授欽明。服膺聰哲。玉質幼彰。金聲夙振。冢宰攝其綱。百辟輔其治。四海想中興之美。羣生懷來蘇之望。不圖天不悔禍。大災荐臻。國未忘難。寇害尋興。逆胡劉曜。縱逸西都。敢肆犬羊。陵虐天邑。臣等奉表使還。仍承西朝。以去年十一月不守。主上幽劫。復沈虜庭。神器流離。再辱荒逆。臣每覽史籍。觀之前載。厄運之極。古今未有。苟在食土之毛。含氣之類。莫不

叩心絕氣行號巷哭。況臣等荷寵三世。位厠鼎司。承問震惶。精爽飛越。且悲且惋。五情無主。舉哀朔垂。上下泣血。臣琨臣礪。頓首頓首。死罪死罪。臣聞昏明迭用。否泰相濟。天命未改。曆數有歸。或多難以固邦國。或殷憂以啟聖明。齊有無知之禍。而小白爲五伯之長。晉有驪姬之難。而重耳主諸侯之盟。社稷靡安。必將有以扶其危。黔首幾絕。必將有以繼其緒。伏惟陛下。玄德通於神明。聖姿合於兩儀。應命世之期。紹千載之運。夫符瑞之表。天人有徵。中興之兆。圖讖垂典。自京畿隕喪。九服崩離。天下囂然。無所歸懷。雖有夏之遘夷羿。宗姬之離犬戎。蔑以過之。陛下撫寧江左。奄有舊吳。柔服以德。伐叛以刑。抗明威以攝不類。仗大順以肅宇內。純化旣敷。則率土宅心。義風旣暢。則遐方企踵。百揆時序。于上四門穆穆。于下昔少康之隆。夏訓以爲美談。宣王之興。周詩以爲休詠。況茂勳格於皇天。清輝光於四海。蒼生顒然。莫不欣戴。聲教所加。願爲臣妾者哉。且宣皇之胤。惟有陛下。億兆攸歸。曾無與二。天祚大晉。必將有主。主晉祀者。非陛下而誰。是以邇無異言。遠無異望。

謳歌者無不吟詠。徽猷獄訟者無不思於聖德。天地之際既交。華裔之情允洽。一角之獸連理之木。以爲休徵者。蓋有百數。冠帶之倫。要荒之衆。不謀而同辭者。動以萬計。是以臣等敢考天地之心。因函夏之趣。昧死以上尊號。願陛下存舜禹至公之情。狹巢由抗矯之節。以社稷爲務。不以小行爲先。以黔首爲憂。不以克讓爲事。上以慰宗廟。乃顧之懷。下以釋普天傾首之望。則所謂生繁華於枯荑。育豐肌於朽骨。神人獲安。無不幸甚。臣琨臣碑。頓首頓首。死罪死罪。臣聞尊位不可久虛。萬機不可久曠。虛之一日。則尊位以殆。曠之浹辰。則萬機以亂。方今鍾百王之季。當陽九之會。狡寇窺窬。伺國瑕隙。齊人波蕩。無所繫心。安可以廢而不恤哉。陛下雖欲逡巡。其若宗廟。何其若百姓。何昔惠公虜秦。晉國震駭。呂卻之謀。欲立子圉。外以絕敵人之志。內以固闔境之情。故曰喪君有君。羣臣輯穆。好我者勸。惡我者懼。前事之不忘。後代之元龜也。陛下明並日月。無幽不燭。深謀遠慮。出自胸懷。不勝犬馬憂國之情。遲覩人神開泰之路。是以陳其乃誠。布之執事。臣等各忝守方。

任職在遐外。不得陪列闕庭。共觀盛禮。踴躍之懷。南望罔極。謹上。臣琨謹遣兼左長史右司馬臣溫嶠主簿臣辟閭訓臣禪遣散騎常侍征虜將軍清河太守領右長史高平亭侯臣榮劭輕車將軍關內侯臣郭穆奉表。臣琨臣禪等頓首頓首。死罪死罪。

梁江淹爲建平王慶明帝疾和表

臣聞慶動至玄。則昌衢敦序。教孚上雲。則紫寓交泰。故祁寒溽暑。無以變其和。沴火凝陰。不能徙其氣。伏惟陛下。至德遐穆。實天縱聖仁。鑄蒼岳道。括寰海。故丹陵之君。款金泥而謝賢。媯墟之后。眷龍圖而慚德。頌聲蔽遠。歌思匝道。而望景暫虧。輪光少曖。玉樞違和。金幌輟念。百祠未遑。四嶽匪處。吉蠲爲慶。神御方休。瑞廣文齡。祚深武日。具爲涵教。倡愉兼薦。臣班戚奉慈。實自慶舞。不勝悅豫之情。

陳徐陵勸進元帝表

臣聞封唐有聖。還承帝嚳之家。居代維賢。終纂高皇之祚。無爲稱於革舄。至治表

於垂衣而撥亂反正。非間前古。至如金行重作。源出東莞。炎運猶興。枝分南頓。豈得掩顯姓於軒轅。非才子於顓頊。莫不因時多難。俱繼神宗者也。伏惟陛下出震等於勛華。鳴謙同於旦奭。握褒秉鉞。將在御天。玉勝珠衡。先彰元后。神祇所命。非惟太室之祥。圖諫斯歸。何止堯門之瑞。若夫大孝聖人之心。中庸君子之德。固以作訓生民。貽風多士。一日二日。研覽萬機。允文允武。包羅羣藝。擬茲三大。賓是四門。歷試諸難。咸熙庶績。斯無間而稱也。自无妄爲象鍾禍上京。梟獍虔劉。宗社蕩墜。銅頭鐵額。興暴皇年。封豨脩蛇。行災中國。靈星所宅。下武其興。望紫極而長號。瞻丹陵而殞慟。家冤將報。天賜黃鳥之旗。國害宜誅。神奉玄狐之籙。剋李軼於河津。征陶謙於海岱。滕公擁樹。雄氣方嚴。張繡交兵。風神彌勇。忠誠貫於日月。孝義感於冰霜。如雷如霆。非貔非虎。前驅效命。元惡斯殲。旣挂膽於西州。方燃臍於東市。蚩尤三塚。寧謂嚴誅。王莽千剗。非云明罰。青羌赤狄。同畀豺狼。胡服夷言。咸爲京觀。邦畿濟濟。還見隆平。宗祀愔愔。方承多福。自氤氲渾沌之世。驪連栗陸之君。

卦起龍圖。文因鳥跡。雲師火帝。非無戰陣之風。堯誓湯征。咸用干戈之道。星躔東井。時破嶠潼。雷震南陽。初平尋邑。未有援三靈之已墜。救四海之羣飛。赫赫明明。龔行天罰。如當今之盛者也。於是卿雲似蓋。晨映姚鄉。甘露如珠。朝垂原寢。芝房感德。咸出銅池。莫莢伺晨。無勞銀箭。重以東漸玄菟。西踰白狼。高柳生風。扶桑銜日。莫不編名屬國。歸貢鴻臚。荒服來賓。遐邇同慶。其文昭武。穆跼蓐也。如彼天平。地成功業也。如此久應。旁求掌故。咨詢天官。斟酌繁昌。經營高邑。宗王啟霸。非勞武德之侯。清蹕無虞。何事長安之邸。揚龍旂以饗帝。御鳳扆以承天。曆數在躬。疇咨爲讓。某官等至鄴。伏承聖旨。謙冲爲而不宰。或云洛陽未復。函谷無泥。旋駕金陵。方膺天眷。愚謂大庭少昊。非有定居。漢祖殷宗。皆無恆宅。登封岱嶽。且署明堂。巡狩荊州。時行司隸。何必西瞻虎踞。乃建王宮。南望牛頭。方稱天闕。抑又聞之。玄珪旣錫。蒼玉無陳。乃械櫟之愆期。非苞茅之不貢。雲和之瑟久廢。甘泉孤竹之管無聞。方澤豈不懼歟。伏願陛下。因百姓之心。振萬邦之命。豈可逡巡固讓。方求石。

戶之農高謝爲君徒引箕山之客未知上德之不德惟見聖人之不仁率土翹瞻蒼生何望昔蘇季張儀違鄉負俗尙復招三方以事趙請六國以尊秦況臣等預奉皇華親承朝命珪璋特達通聘河陽貂珥雍容尋盟漳水加牢貶館隨世汙隆瞻望鄉關誠均休戚但輕生不造命與時乖等一介之行人同三危之遠擯承間內殿事絕耿弇之恩封奏邊城私等劉琨之哭不勝區區之至謹拜表以聞

陳沈炯代勸進梁元帝第二表

紫宸曠位赤縣無主百靈聳動萬國回皇雖醉醒相扶同歸景亳式歌且誦總赴唐郊猶懼陛下俛首潛然讓德不嗣傳車在道方愼宋昌之謀法駕已陳尙杜耿純之勸岳牧翹首天民累息臣聞星回日薄擊雷鞭電者之謂天岳立川流吐霧蒸雲者之謂地苞天地之混成洞陰陽之不測而以財成萬物者其在聖人乎故云天地之大德曰生聖人之大寶曰位黃屋廟堂之下本非獲已而居明鏡四衢之罇蓋由應物取訓伏惟陛下稽古文思英雄特達比以周旦則文王之子方之

放勳則帝摯之季。千年日暮。可不。在斯。庭闕湮亡。鐘鼎淪覆。嗣膺景歷。非陛下而誰。豈可使赤眉更立。盆子隗囂託置。高廟陛下。方復從容。高讓用執。謙光展其。矯行僞書。誣罔正朔。見機而作。斷可識矣。匪疑何卜。無待蓍龜。日者公卿失馭。禍纏霄極。侯景憑陵。姦臣互起。率戎伐潁。無處不然。勸明誅晉。側足皆爾。刁斗夜鳴。烽火相照。中朝人士。相顧銜悲。涼州義徒。東望殞涕。懔懔黔首。將欲安歸。陛下英略緯天。沈明內斷。橫劍泣血。枕戈嘗膽。農山圯下之策。金匱玉鼎之謀。莫不定算。展帷決勝。千里擊靈鼉之鼓。而建翠華之旗。驅六州之兵。而總九伯之伐。四方雖虞。一戰以霸。斬其鯨鯢。旣章大戮。荷校滅耳。莫匪姦回。史不絕書。府無虛月。自洞庭安波。彭蠡底定。文昭武穆。芳若椒蘭。敵國降城。和如親戚。九服同謀。百道俱進。國恥家怨。計期就雪。社稷不墜。繫在聖明。今也何時。而申帝啓之避。凶危若此。方陳泰伯之辭。國有具臣。誰敢奉詔。天下者高祖之天下。陛下者萬國之歡心。萬國豈可無君。高祖豈可廢祀。卽日五星夜聚。八風通吹。雲煙紛郁。日月光華。百官象物。